



Gudarien etorbidea, z/g 20140 Andoain



zuzendariari@jalgi.com



943 300 228

OHARRA: Ahalik eta iritzi gehienek izan dezaten tokia, ez da komeni makinazko 15 le-
rro baino luzeago idaztea gutun hauetan. Idatzi duenaren izena, telefonoa, helbidea
eta Naren zenbakia agertu beharko dira. Laburtu behar izanez gero, zuzendaritzak
bere esku du horretarako eskubidea. Erdaraz iristen diren gutunak ez dira argitaratuko.



zuzendariari

Kepa Miner 'Txalaka' askatu!

Kepa Miner *Txalaka* euskal preso politiko hernaniarrak —65 urte—, zigorraren 3/4 bete ditu (hamabost urte daramatza espetxean gatibu) eta gaixo sendaezin bat dauka. Zailtasunak ditu arnasa hartzeko; bere birikaren edukimena %33koa da eta horregatik hamabost ordu eman behar ditu arnasa artifizialki hartzen. Pasa den astean Kode Penaleko 92. artikulua —Euskal Herriratztea eta bere familiak izendatuko medikuarekin egotea ahalbidertzen duena— ukatu dio epaileak.

Erabaki hau umiliagarri bezain politikoa da eta gure kidea guztiz babesgabe uzten du. Gogoratu behar da *Txalaka* apirilean ekarri zutela espetxe honetara, eta dagoeneko bi alditan eraman behar izan dutela erietxera arazo fisikoak direla medio. Hilabete batean hiru aldiz aldatu dute modulotik, eta orain espetxe honetako enfermerian dago.

Euskal Herriko gizarteak eta instituzio gehienek euskal preso guztiak Euskal Herriratztea, zigorraren 3/4 bete dutenak baldintzapeko askatasunean irtetea eta gaixotasun sendaezina dituztenei 92. artikulua aplikatzea exijitu dute. PPkoek, *Espainiako agintari demokratik*, beraien legea ere ez dute betetzen eta jolasten ari dira gure kideen bizitzarekin espetxe barruan duintasuna mantendu dutelako. Gure kideei sofriarazten saiatzen ari direnei euren bizitza mikaztu behar diegu ahalik eta gehien. Ez genieke euren bizitzan erosotasun une ezta gunerik ere utzi beharko. Presoaren eskubideak errespetatzea eta errespetarazteko gaitasun minimorik erakusten ez dutenei



beldur gabe leporatu behar diegu euren erruduntasuna.

Osasuna eta Askatasuna. **Pako Rodriguez Jaramillo** • *Alcala-Mecoko euskal preso politikoen kolektiboaren izenean*

ETB-1 norentzat?

AEK-ko ikasle talde bat gara. Klase batean sortutako eztabaidan atera den gaia ETB-leko programazioa izan da. Eskutitz honen bidez, gaiari buruz dugun iritzia aldarrikatu nahi dugu eta ea bide batez konponbide bat aurkitzen den.

Gure iritzia zera da: asteburuetan batipat ETB-lek euskaldunok erdarazko kateak ikustera bultzatzen gaituela.

Hau da, alde batetik, ematen den kirol ordu kopurua gehiegizkoa iruditzen zaigu. Esate baterako, maiatzaren 29an, larunbata, 12 orduz

kirola egon zen eta hurrengo egunean, berriz, maiatzaren 30ean, igandean, 9 orduz... eta horrela astea joan eta astea etorri.

Bestetik, kirola ez dagoen orduetan ematen diren ia programa gehienak astean zehar emandakoen errepikapenak izaten dira.

Ondorioz, ETB-leko programazioan, kirolen artean, euskarazko beste saio gehiago sartzeara proposatzen dugu, pelikulak, erreportaiak, dokumentalak... besteak beste eta kirola ETBko bi kateen artean banatzea. Hau da, oreka bilatzea programei dagokienez bi kateen artean. Astean zehar, berriz, eztabaidazko programa gehiago emititzea gustatuko litzaiguke eta dudarik gabe programa kulturalak, bai aste eta bai asteburuetan ere; antzerkia, dantza mota ezberdinak, musika saioak... **Ane Azkue Etcheberria** • *Zarauzko AEK euskaltegiko talde baten izenean*

galdeiozu...



Esther Larrañaga

EUSKO JAURLARITZAKO INGURUGIRO
SAILBURUORDEA

Aurreikusitako da hainbat hiritan, Bilbon kasu, trafikoa murriztea —Parisen egin duten moduan— kutsadura gutxitzeko?

Jon Gonzalez [Bilbo]

■ **BILBO** eta bere inguruko airearen kalitatea asko hobetu da azken 30 urte hauetan. Orain, kezkarriak izandako ohiko kutsatzaileak, SO₂ kasu, ez dira batere kezkarriak. Gaur egun beste kutsatzaile batzuk, adibidez Nox, O₃ edo KOHren emisioak zorrotz kontrolatzen dira, baina orain arte ez dituzte legeak ezarritako goimugak gainditu. Trafikoa murriztea ez da beharrezkoa izan. Gainera, trafikoa murrizteak zuzenki CO_k sortzen duen arazoari lotuta dago, normalean populazio eta trafiko kontzentrazio handiko hirietan.

Uztailaren 6tik aurrera
Fermin Muguruza

• ABESLARIA

izango da Galdeiozu ataleko gonbidatua.
Bidali zure galderak ordurako.

• MONTXO •

